



SAKSFRAMLEGG

Sakshandsamar: Ingebjørg Vamråk	Arkivkode: FE-151
Arkivsaksnr: 20/418	Løpenr: 21/689
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret	28.01.2021	003/2021

Budsjett 2021 - presisering av innhald i budsjettvedtak av 3. desember 2020

28.01.2021 Kommunestyret:

Handsaming i møtet:

Rådmannen sitt framlegg vart samrøystes vedteke.

KS- 003/2021 Vedtak:

Kommunestyret presiserer at det kan nyttast inntil 1 mnok ekstra ved skulane i budsjettåret 2021, dersom dette er naudsynt for å få til ein god prosess og ein mjukare overgang. For budsjettåra 2022-2024 legg ein til grunn at innsparingane er gjennomførte i tråd med vedteken økonomiplan.

Rådmannen sitt framlegg til vedtak:

Kommunestyret presiserer at det kan nyttast inntil 1 mnok ekstra ved skulane i budsjettåret 2021, dersom dette er naudsynt for å få til ein god prosess og ein mjukare overgang. For budsjettåra 2022-2024 legg ein til grunn at innsparingane er gjennomførte i tråd med vedteken økonomiplan.

Dokument som ikkje er vedlagt:

Budsjettvedtak (møteprotokoll) av 3. desember 2020.

Kva saka gjeld:

Det har vist seg at det knyter seg usikkerheit til ei formulering gjort i budsjettmøtet 3. desember 2020. Det er difor naudsynt å foreta ei presisering.

Vurderingar og konsekvensar:

I budsjettmøtet 3. desember blei det gjort visse endringar i formannskapet sitt budsjettvedtak frå 12. november, gjennom eit fellesframlegg frå alle parti. Ein viktig bakgrunnen for endringa, var at det få dagar før møtet i kommunestyret, blei klart at kommunen ville få ei auka inntekt tilsvarande 1,6 mnok, grunna auka prognose for eigedomsskatt frå kraftverk.

I ettertid har det vist seg at det er noko uklarheit kring ein sum på 1 mnok, i vedtaket formulert slik: «1.000.000 samla auka til skulane, til fordeling ved rådmannen.» Dette har av nokre blitt oppfatta dit hen at skulane sine budsjett er endra, tilsvarande 1 mnok, frå vedtaket som blei gjort av

formannskapet i budsjettmøtet 12. november.

Kommunestyret la til grunn for si justering av vedtaket i formannskapet, at det er større økonomisk rom enn den formannskapet var kjent med ved sitt vedtak. Samstundes såg ein at det kunne bli krevjande å gjennomføre tenkte innsparingar ved skulane, i budsjettåret 2021, mellom anna fordi budsjettprosessen blei kort, og fordi ein har lagt opp til brei involvering tidleg i 2021. Kommunestyret sitt vedtak om å innvilge 1 mnok ekstra til skulane i 2021, må sjåast i lys av dette, og er meint å gje rom for å bruke noko meir tid på å gjennomføre dei tenkte innsparingane, dersom dette er naudsynt. På denne bakgrunn blei vedtaket formulert med tillegget «til fordeling ved rådmannen».